

補其
陳家慶同撰

黃山攬勝集

中華書局印行

黃
山
攬
勝
集

徐英同撰
陳家慶


中華書局印行

民國二十六年四月印刷
民國二十六年四月發行

黃山攬勝集（全一冊）

◎ 實價國幣二角

（郵運匯費另加）



著者

徐家慶

發行者

中華書局有限公司
代表人路錫三

印刷者

上海
中華書局印刷所
澳門路

總發行處


上海福州路

中華書局發行所

分發行處

各埠

中華書局



著 者 在 桃 花 谿





蓮 華 峯



著者在文殊院迎客松下隱約霧中者天都峯腰也

清涼台觀雲海







蓬萊三島(一)

蓬 萊 三 島

自迎客松望天都峯





曹 擋 公 關 名 俗 峯 人 仙



著者青龍潭



瀑音觀望巖頭虎自

黃山攬勝集

建元二十有五年。歲次丙子。漢曆六月。予以暑期之暇。挈婦爲黃山之游。婦曰。天都紫府。東南奧區。宜紀游蹤。爲山靈壽。因自發塗之日。迄於歸程。隨手疏錄。合兩人所獲詩詞。各如千首。裒成一集。曰黃山攬勝。碧嶺丹崖。會心不遠。白雲紫岫。卽意已仙。雖霞客之游。芳躅已渺。而康樂之詠。雅調方賡。況乎世塞山通。繫古所志。虞夏有忽徂之日。烟霞無板蕩之秋。吾其隱乎。世亂深已。所惜林巒染績。未擅奇能。屐笠所之。難周妙境。姑寫大凡。用存心印。後之來者。亦有覽於斯乎。

五月二十三日甲午

陽七月十一日
星期六

姓——熱甚

戊。偕家慶驅車至津頭。登江安舟。發安慶。夜午過大通。臥中聞人聲嘈雜而已。

二十四日乙未

七月十二日
星期日

姓——熱甚

卯抵蕪湖。就館逆旅。午。友人湘潭唐季涵設讌赭山。申。游吳氏園。亦具泉石之觀。西。故人霍邱臺靜農招飲市樓。十年契闊。不期而遇。譚笑之懽。隅坐所驚。

二十五日丙申

七月十三日
星期

一 殊

——早涼午熱西雨

辰。偕家慶乘汽車沿蕪屯公路而南。涂中高原平澤。略無勝概。入宣城界。風物漸佳。至寧國竟。觸目清妍。由此以南。行萬山中。或面壑直馳。方疑無路。而峯回路轉。別又一天。又如行大公園中。花木泉石。滿目纓絡。又如行屏風上。人在畫中。至績谿道上。尤坡陀宛曲。蟻穿蚓度。無慮千折。而頑山獷碧。鄙獐鍾焉。酉。抵歙之西門。大雨驟至。是夕宿永安旅舍。

二十六日丁酉

七月十四日
星期

二 殊

——涼

——雨夕御衿

氣溫辰八十六度午九十
一度夕雨抵中國旅行社

七十
六度

已初。攜家慶出旅舍。游太平橋。橋枕練江。寬四尋。長百丈。白石砌成。都十六孔。中建一亭。工程之巨。世所稀有。聞爲明人獨資所建。昔賢風誼。今何可得。江寬

水落清如匹練。斯目之稱。信爲不虛。其中風澤清曠。雲物如縝。而黃山諸峯。肩比霄接。出沒天漢。在歛北百里外矣。踰橋折而東。沿江行數百步。獲一寺。登樓四瞰。撲簾撫檻。惟隔江山色。略似吾鄉晴川閣。惜稍狹耳。寺後小埕。扶立雲中。豫章篁槐。雜生四谷。如萬頃蒼雪。隨風掩仰。又東行十里。得小丘。峙江中。碧環赭抱。婀娜宜人。執塗人而詢之。曰小南海也。午歸旅舍。進食。申乘汽車沿蕪屯路至巖寺。入谷傳山。溯溪傍渚。北逕潛口。自此以往。踰黃山谷口。牛頭口。甕口。山口。丫口。金筑口。寶坑口。至湯口。所謂九口八十一里也。循坡陀上。峯巒夾道。松篁相迎。漸行漸高。路在巖畔。護以白闌。宛曲如虯。昔日羊腸。今成坦塗矣。闌外長溪。清深見底。東南匯練江者也。中遇急雨。從窗中仰首望山。半隱霧中。西至湯口。雨霽。先見一峯。卽天都矣。又上逕逍遙亭。入山第一亭也。羣峯攢峭。入眼爭妍。步行而上。篁陰匝地。輕烟薄霧。如來相迎。水色山光。俱襲襟袂。又半里許。仰見北山飛瀑。匹練霄懸。彼人謂之布水源。源自清潭峯下。下爲百丈潭。激湍潰雪。濺沫成輪。又半里抵桃

源邨。至紫石峯。跌授館中國旅行社。氣溫較平地低十餘度矣。夕浴湯泉。瑩澈甘芳。無硫黃氣。石罅冷泉一道。來調涼燠。亦天工而人巧矣。

二十七日戊戌

七月十五日
星期三

——辰起御拾——午涼時有微雨——夕

御薄棉

氣溫午前七十八度午後至半
山寺七十四度入夜七十二度

山中人言。旣雨無定辰。發旅社。往居士林。行李箚篋。寄於是處。攜閨人溯桃

華溪。

即逍遙溪
同流異稱

度小補橋。水甚清深。潭不掩鱗。而奇石礫砢。傾瀾萍盪。高流橫激。聲

同雷轉。北望雲門峯。如天際雙闕。雲從中出矣。步行逕溫泉側。拾級左上。逕紫雲

庵。

亦曰
茅蓬

幽篁冉冉。綠雲如蓋。更前有新築正道居未成。又前望人字瀑。自紫雲峯

脰。乘高激流。走壁而下。中分兩道。仰視如人字。遂獲厥目。兩瀑中斷。石腹爲級。

羅漢
級

僅容半趾。昔山徑未開。循此級詣慈光寺。

即朱
硃庵

亦危道也。瀑與硃砂源匯流。

積爲巨潭。折疊爲二。所謂白龍潭。青龍潭也。飛流似雪。縹碧如洗。青龍潭尤澄泓

清深。膏渟黛蓄。俯瞰游鱗。類若乘空。觀賞久之。錫之以詩。

白龍噴水青龍泣。磊空萬石縱橫立。上濺銀濤千斗珠。下注澄潭百丈碧。翻雪淳膏不可說。空明倒影皆奇絕。白龍青龍爾何知。我欲噓雲補天缺。天荒地老龍應死。耿耿此心終不滅。

閨人集白石詞成臺城路一閔云

闌干表立蒼龍背。未負滄溟烟雨。呼我盟鷗。與君遊戲。一枕涼生如許。玲瓏深處。又爭似相攜。綠陰無數。驚起魚龍。化作西山雲一縷。湖山盡入樽俎。看垂楊連苑。林下真趣。虛閣籠寒。簷牙飛翠。不受人間袪暑。新詩漫與。仗酒祓清愁。不思歸去。第四橋邊。擬共天隨住。

人字瀑入白龍潭處。得迴龍橋。又上得雙谿閣。登閣仰數石級。在人字分流之中。方嶺烟迴。峭峯霞舉。曳練雙懸。磴道入空。而雜樹千章。團陰結翠。游人至此。可憩息而覽觀焉。口占一絕。

銀濤滾水三千尺。峭磴疊空十萬重。渾碧調朱兼雪色。一時入眼幻春龍。

由雙谿閣折而北。逕慈光寺山門故址。又折而東上。逕聽濤亭。又折而北。入慈光寺二門。迴望桃華前立。朱砂後聳。聖泉左環。紫雲右峙。而鉢盂天都諸峯。皆歷歷在目。如廟堂朝會。冠裳畢集。寺後一線鳥道。從朱砂峯側。宛蜒而上。高崖峻壁。望而畏焉。因憶昔日海馬。負而驅者。今已絕跡。成詩二絕。

萬疊雲關初峇嶠。一痕鳥道已崎嶇。遊人欲上望還怯。佇憶當年海馬駒。

雲容山骨兩如何。拔地千峯擁紺螺。到此心情都寂寂。惟餘猿鳥縱高歌。

俄而飛雲忽至。半爲所掩。薄風相激。霧轉烟橫。與深碧濃赭。高下襯託。亦奇觀也。已入慈光寺。霧歛雲收。山光如洗。望桃花峯脅。巨石橫嵌。一簣蹊然。雨後水從石上滲。縷如垂旒。則水簾洞也。擬往半山寺。而大雨奪徑。遂留慈光進膳。寺後有朱砂巖。朱砂泉。以產汞稱。今絕跡已。午晴。逕東谷踰金沙嶺而下。逕鶯谷石飛來洞。打鼓洞。昔行洞中。路至艱危。今斲石爲級。護闌洞上。以通行人。攀石闌干。轉鐵闌干。跨澗入五老峯腰。五老者天都之支阜。與匡廬名同而實殊矣。壑中古木